

Liqhoku Kamora Edene



SABATHA MANTSIBOEA

Bakeng sa Thuto ea Beke ena Bala:

Esa. 22:14–18; 1 Bakor. 4:1, 2; Bakolose 2:2, 3; Baef. 6:13–17; 2 Bakor. 5:10.

Temana ea Khopolo:

“Empa joalokaha Molimo O re bone re le ba tšoaneloang ke ho abeloa tšebetso ea evangeli, re bua joalo, eseng hore re khahlise batho, e le hore re mpe re khahlise Molimo O lekolang lipelo tsa rona.” (1 Bathes. 2:4).

Mosebetsi oa pele oa Adama le Eva o ne o kenyeletsa boqhoku. Ba ne ba fuoe serapa le tlholeho eohle ho li hlokomela, ho natefelo, le ho rena holima tsona (Genese 2:15), leha ho ne ho se letho leo eleng la bona. Bekeng ena re tla shebang tlhaloso ea qhoku ka botebo, empa kamora ho oa, kamora hore batsoali ba rona ba pele ba lelekoe Edeneng ke hore, le rona re liqhoku, empa tikolohong e fapaneng le eo Adama le Eva ba kileng ba natefelo ke eona.

Boqhoku ke eng? Batho ba bang ka Bibeleng ba hlalosa boqhoku ka maphelo a bona. Litemana tse ling li bo hlalosa hantle ka ho hlaka. Ha re ba liqhoku tsa Molimo, ntho tseo re nkang e le tsa bohlokoa tsa lefatše le matlotlo a lona li fetohela ho 'Mopi le thomo ea Hae. Joaloka Adama le Eva, Molimo O re tšepetse boikarabello bo halalelang tlhohlehang. Empa le ha ho le joalo, ho tloha ho oeng, mosebetsi oa boqhoku o fetohile, hobane, ntle le ho hlokomela lefatše le tse ho lona, re boetse re tšepetsoe ho ba liqhoku tse ntle li 'nete tsa semoea.

**Ihute Thuto ea beke ena ho lokisetsa Sabbatha sa la, 3 Hlakola.*

Boqhoku Testamenteng ea Khale

Lentsoe “boqhoku” ka bo lona le tolokoa makhetlo a ’maloa Testamenteng ea Khale. Hangata e hlaha poleloaneng e bolelang ea “alositseng ntlo,” moelelo oa motho ea ikarabellang tsamaisong ea ntlo; ke hore, “qhoku” (Genese 43:19; 44:1, 4; 1 Marena 16:9). Liqhoku li na le boikarabelo ba ho alosa ntlo le thepa ea monga bona, ba etsa sohle seo ba se laetsoeng. Tlhaloso ea qhoku Testamenteng ea Khale e ka fumanoa ka ho hlalohanya libopeo tsa qhoku. Liqhoku li ka se aroloe le boqhoku, hobane bo bontša seo ba leng sona.

Tse ling tsa limelo tsa qhoku li hlakisoa hantle Testamenteng ea Khale. Sa pele, maemo a qhoku a ne a e-na le boikarabelo bo boholo (Genese 39:4). Liqhoku li ne li khetha ho ipapisistsoe le bokhoni ba tsona, ’me li ne li fumana tlhompoho le ho tšeptjoa ke beng ba tsona ha li etsa mosebetsi. Ea bobeli, liqhoku li ne li tseba hore seo li se tšepetsoeng ho se hlokomela ke sa monga tsona (Genese 24:34–38). Hona ke phapang e kholo pakeng tsa qhoku le monga thepa. Qhoku e utloisisa boemo ba eona. Ea boraro, ha qhoku e inkela seo e se tšepetsoeng molemong oa eona, likamano tsa ho tšepana pakeng tsa eona le monga eona li ne li robeha, ’me qhoku e n’e lokolloa (Genese 3:23, Hos. 6:7).

Bala Esaia 22:14–18. Nakong ea puso ea Ezeziase, Shebna o ile a khetheloa ho ba qhoku, le ramatlotlo, maemo a bohlokoa-hlokoa tse nang le matla ka bobeli. Ho ile ha etsahlang ho eena ka lebaka la ho sebelisa maemo a hae hampe?

“Qhoku e ikamahanya le mong a eona. E amohela boikarabelo ba ho ba qhoku, ’me e tlameha ho etsa thato ea monga eona, a etsa seo monga eona a neng a ka se etsa h’a ne a le maemong ao. Litaba-tabelo tsa monga eona e ba tsa eona. Maemo a qhoku ke a hlomphehang hobane monga eona o’a e tšepa. Haeba ho ka etsahala hore e iphumane e ikhaba e ba e eisa melemo ea thepa ea monga eona ho eona, e silafalitse tšepo eo e neng ee fuoe.”—Ellen G. White, *Testimonies for the Church*, vol. 9, leq. 246.

Re ka ithuta taba ea bohlokoa ea hore ruri re fela re le liqhoku tsa seo re nang le sona bophelong boo joang? Temoho ee e lokela ho hahlamela sohle seo re se etsang joang?

Liqhoku Tesatamenteng e Ncha

Mantsoe a mabeli a tloaelehleng a boeleng “qhoku” Testamenteng e Ncha ke epitropos, e hlahang makhetlo a mararo le oikonomos, e hlahang makhetlo a 10. Mantsoe ana ka bobeli a hlalosa maemo a kenyeletsang bookameli bo tšepetsoeng qhoku ke monga eona. Ka bobeli Testamenteng e Ncha le ea Khale, liqhoku li hlalosa ka seo li se etsang. Testamente e Ncha ka ho otloloha e hlalosa qhoku ka ho ba le boikarabello (Luka 12:48) le litebello (1 Bakor. 4:2). Testamente ea Khale, leha ho le joalo, e shebane le ho phatlalatsa hore Molimo ke mong a tsohle ho e na le ho re hlalosa re le liqhoku tsa Hae. Ka hona, le ha moelelo oa boqhoku o tšoana Testamenteng tsena tse peli, Testamente e Ncha e atolosa moelelo ona ho feta ho okamela fela. Setšoantšong sa qhoku e sa tšepahaleng, (Luka 16:1–15), Jesu O atolosa tlhaloso ea qhoku. Thuto ea Hae e feta ho tsoa mathateng a lichelete fela. E boetse e ea amohela ho ba tsoang koloueng ea semoea ka ho bonahatsa tumelo ka bohlahe. Qhoku e bohlahe e tla lokisetsa bokamoso ba ho tla ha Jesu eseng ho sheba le tsa joale fela. (Mattheu 25:21).

Bala 1 Bakorinthe 4:1, 2; Tite 1:7; le 1 Petrose 4:10. Li re boella eng ka liqhoku le boqhoku?

“Nka bulela Moea O Halalelang pelo ea ka, hore karolo tsohle le matla li tsohe, tseo Molim A mphileng tsona ka botsepehi? Ke thepa ea Krete, 'me ke horetsoe ho mo sebeletsa. Ke qhoku ea mohau oa Hae.”—Ellen G. White, *Fundamentals of Christian Education*, leq. 301.

Ho Luka 12:35–48, Jesu O boetse o sebelisa lentsoe “qhoku” e le mokhabo-puo. O pheta kamoo qhoku e bohlahe e itokiselitseng ho khutla ha Mor’a motho kateng, ha qhoku e sa tšepahaleng e khaotsa ho itokisa hobane monga eona a lieha ho khutla. Qhoku e sa tšepahaleng e fetohile ntho’e khopo ebile e hlekefetsa ba pela eona. Ha e sale mohlala oa mesebetsi e metle kapa mohlokomeli oa mohau. Ha re amohela Krete, re ba liqhoku, tse bitselitsong ho hlokomela li’nete tsa semoea tsa bophelo ba Mokreste ho itokisetseng leholimo.

Bala Luka 12:45. Ke hobaneng rona re le Baleti, ba lutseng ba loana le taba ea “ho lieha,” re lokela ho ba hlokolosi hakae haholo ka ho oeleng lerabeng lee?

Liqhoku tsa Liphiri tsa Molimo

Bala Bakolose 2:2, 3 le 1 Timothea 3:16. Ke'ng eo litemana tsee li e hlalolang e le "sephiri"? Taba ea hore ke "sephiri" e reng ho rona ka meeli ea seo re ka se tsebang eona?

Tsofare oa Naama o re ho Jobo, “Na u ka fihlela litaba tse tebileng tsa Molimo na?” (Jobo 11:7). Lentsoe “sephiri” le bolela ho tarakanya hlooho, ho se hlake, ho se tsebahale, ho se hlalosehe, kapa ho se utloisisehe. Liphiri tsa Molimo li ngoliloe Mangolong, leha ho li utloisisa ka botlalo e ntse e ele ntho'e re phahametseng. Ke ka ho eleng liphiri. Ho tsoana hantle le ha motho ea bonelang mona fela a sheba leholimong, ka khopolo ea ho bona nthonyana e nyenyane fela. Re ka se bone hole hakalo ntle le hore Molimo A re bontše eona.

Deutronoma 29:29 e reng malebana le seo Molimo a re senoletseng sona?

Re liqhoku tsa ntho tseo re sa li utloisiseng ka botebo re tseba ho fella moo Tšenolo le Mangolo li re koahollelang teng fela. Boqhoku ba rona bo bohoho-holo ke ho phela re le “bahlanka ba Kreste, le liabi tsa liphiri tsa Molimo” (1 Bakor. 4:1).

Joalo ka liqhoku tsa Hae, Molimo O batla hore re boloke, re rute, re sireletse, le ho hlokomela 'nete e halalelang eo A e senotseng. Kamoo re etsang tsena kateng ke sona sehlohlo sa boqhoku, 'me ho bolela hore re “boloke sephiri sa tumelo ka letsoalo le hloekileng” (1 Tim. 3:9).

Sephiri se fetang tsohle ke sa ho re bohle re ka ba le maiphihlelo a Kreste, “tšepo ea khanya.” Leano la topollo le phahametse tlhaho hore re ka le utloisisa ka botlalo. Hore Mohlōli oa tsohle tse entsoeng (Johanne 1:1–3) A ka theohela lefatšeng lena e be O “nka tšobotsi ea nama” (Ellen G. White, Manuscript Releases, vol. 6, leq. 112) ho A fane ka Eena ho iketsa sehlabelo bakeng sa libe tsa batho, ho fupere liphiri tseo le kamohla li ke keng tsa utloisisoa ka botebo ke eng kapa eng tlholehong eohle.

Le oona manyeloi a ithuta ho utloisisa sephiri sa hore na hobaneng Jesu A tlile lefatšeng (1 Petro. 1:12). Leha hole joalo, seo a se tsebang se etsa hore bohle re rorise Molimo ka khanya le botle ba Hae (sheba Tsen. 5:13).

U bitselitsoe ho ba qhoku ea evangeli. Ke maikarabelo afe ao seo se bolelang hore u na le oona?

Liqhoku tsa 'Nete ea Semoea

Ha re nahana ka boqhoku, re nahana ka ntho tse tšoarehang, 'me rea nepa. Empa joalokaha re se re bone, boqhoku bo feta seo. Joaloka matlotlo a tšoarehang, limpho tse sa tšoareheng le tsona li tsoa ho Molimo. tsena tse sa tšoareheng ke matlotlo a semoea ao Molimo A re fang oona (1 Petro. 4:10) ka hona, seo re ka se etsang, ho Kreste, se aha semelo sa Mokreste ho mo etsa motho a ka bang sona ho Eena. Ka hona, re tlameha ho hlokomela lineo tse sa tšoareheng ka hloko le ho feta tse tšoarehang, hobane li na le bohlokoa ba ka ho sa feleng.

Bala Baefese 6:13–17. Ke'ng eo re e filoeng ke Molimo eo re tlamehang hoba liqhoku tsa eona? Ke hobaneng ha ho hlokomela ntho tsee ho le bohlokoa hakalo ho rona?

“Mpho ea Molimo ke bophelo bo sa feleng ka Jesu kreste Morena oa rona” (Baro. 6:23). Lefatše, le sohle se le fanang ka sona, le ka se re fe topollo eo re nang le eona ho Kreste. Topollo, mpho eo Molimo O re fang eona, ke letlotlo la bohlokoa ho feta ohle. Ka ho lula re nahana ka bonnete ba topollo ena kamehla ho lutse ho re thusa ho lula re e na le kutloiso e nepahetseng likamanong tsa rona le matlotlo a mang ao re a filoeng ke Molimo.

“Ke ka tlasa leseli le tsoang Golgotha fela lithuto tsa tlhaho li ka baloang ka nepo. Ka pale ea Bethlehem le sefapano, ha ho bonahale kamoo ho leng monate kateng ho hlola bobo, le kamoo tlhohonolofatso e 'ngoe le e 'ngoe e leng mpho ea topollo.”—Ellen G. White, *Education*, leq. 101.

Topollo ke ea rona hobane fela Jesu O lefile tefo ea mapomela. Paulosi o bontša ka ho hlaka, “Ke ka ho Eena re nang le topollo ka mali a Hae, ke hore, tšoarelle ea litšito ka mohau oa monono oa Hae” (Baef. 1:7). Mantsoe “re nang” a bolela hore re na le “topollo.” Ke ea rona, empa kahobane fela re e filoe ke Molimo. Ka hona, ho bohlokoa hakakang ho hore re apare “lihlomo tsohle tsa Molimo” (Baef. 6:11), hore e mobe a se fihle a e nkela koana. Hobane tsela fela eo a ka etsang sena ka eona ke ha re mo lumella ho etsa joalo, eleng se tla etsahala ha fela re sa mamele seo re se senoletsoeng “Lentsoeng la Molimo” (Baef. 6:17). Tšireletso ea rona e kholo ke ho mamela, ka tumelo, leseli leo re le fuoeng.

Bala hape, Baefese 6:13–17. Re apara lihlomo ta Molimo joang, 'me ke ka tsela life, re leng liqhoku tsa lihlomo tsee?

Boikarabello ba Rona Joaloka Liqhoku

Liqhoku tse bohla le hlalosa ka boikemisetso ba tsona ba ho amohela le ho sebelisa metheo ea boitšoaro ea boikarabello. Ho amohela boikarabello ba motho ka mong ke khetho eo re e etsang le liketso tseo re li etsang. Ela hloko likamano tse pakeng tsa sesosa le litlamorao. Boikemisetso ba ho amohela boikabello ba motho ka mong ke semelo sa mantlha se ke keng sa tloisoa mahlo ha re hlalosa seo boqhoku bo leng sona, hobane qhoku e tlameha ho ba le sepheo se leng qha! Sa ho ba le litaba-tabelo tsa monga sona ka pelong. Ka hona, boikemisetso bono ke khetho e hlalosing likamano tse lebelletsoeng hore qhoku le Molimo li be tsona. “Molimo O rata ho tliša batho likamanong tse otlohileng le Eena. O elloa motheo oa boikarabello ba motho ka mong nako eohle H’a sebetsa le motho. O leka ho khothaletsa moea oa boitjaro le ho khothotsa tlhase ea tlhoko ea boitataiso ba motho ka mong. Lineo tsa Hae li tsepetsoe motho ka mong. Motho e mong le e mong o entsoe qhoku ea tšepo e halalelang; e mong le e mong o tlameha ho sebetsa ho latela litaelo tsa mofani; ’me o tlameha ho fana ka tlaleho ea boqhoku ba hae ho Molimo.”— Ellen G. White, *Testimonies for the Church*, vol. 7, leq. 176. Ha re ba liqhoku, ha re na ho shebisa boikarabello ba rona mothong e mong kapa mokhatlong. Boikarabelo ba motho ka mong bo ho Molimo ’me bo tla bonahatsoa nako eohle hare kopana le ba re pota-potileng (Genese 39:9; sheba le Dan. 3:16). Re tla thabela mosebetsi o matsohong a rona ka hohle kamoo re ka khonang. Katleho mahlong a Molimo e tla itšetleha tumelong ea rona hahole le bohloeking ba rona litalenteng le bohlaeng.

Bala 2 Bakorinthe 5:10. Re utloiusisa mantsoe aa joang ho ea ka se boleloang ke ho ba qhoku e bohlae?

Baithuti ba Thuto-Molimo le lifilosofara ba ngangisane ka taba e thata ea bolokolohi ba boikhetlo. Empa Mangolo a hlakile: Re le batho re na le bolokolohi ba boikhetlo le bolokolohi ba khetho. Taba ea ho ahloloa ka liketso tsa rona ha e utloahale ha ho le joalo. Ka hona, re na le boikarabello ba motho ka mong, ka mohau oa Molimo, ho khetha ho etsa khetho tse nepahetseng ho sohle seo re se etsang, tse keneyeletsang ho ba liqhoku tse tšepahallang thepa eohle ea monga tsona.

Ho Ithuta Haholoanyane:

Lentsoe le tolokiologeng ele “qhoku” litemaneng tse ’maloa tsa Testamente ea Khale, ha le tsoe lentsoeng le leng empa poleloaneng: asher al bayt, ea “alositseng kapa ikarabellang holima ntlo eohle.” Mohlala, Genese 43:19 e ka tolokoa: “Ha ba atamela pela qhoku ea ntlo ea Josefa, ba bua le eena monyakong oa ntlo. Haeba motho a sheba taba ea hore lelapa le phelang ka tlung ke karolo ea ntlo le lona, joale ke sefe se bohlokoa ho motho ho feta lelapa la hae? Ka hona, qhoku e tšepetsoe se bohlokoa hona hoo, leha ho le joalo, eseng sa eona. Ka tsela tse ngata, sena se etsa boikarabello ho ba holimo ho feta kamoo bo neng bo ka ba kateng haeba qhoku e ne e hlokometse thepa ea sona.

Taba ena e tšoanang e tsoela pele le Testamenteng e Ncha. “T.N e nka kutloisiso tsa T.E e be e li kopanya le lithuto, mantsoe, le menahano ea ngoaha-kholo oa pele, ka hona e nontša le ho atolosa se rutoang ke Bibe le ka boqhoku. Mantsoe a Segerike a tloaelehileng ka ho fetisisa a amanang le boqhoku a tsoa oikos le oikia, ‘ntlo. Oikonomos ke ea hlokomelang ntlo: qhoku kapa mookameli. Oikonomia ke lereo-kutlo, ‘ho okamela ntlo,’ eleng moelelo o atisang ho pharalla.”—*Handbook of Seventh-day Adventist Theology* (Hagerstown, Md.: Review and Herald Publishing Association, 2000), leq. 653.

Lipotso Tsa Ho Qoqoa:

1. Ho e na le ho nka boikarabello ka ho ja sefate se thibetsoeng, Adama o ile a reng ho Molimo h’ a botsoa ka seo a se entseng? Genese 3:12. Ho thahasellisa hakaakang hore e be e ’ngoe likarabo tsa pele-pele tsa motho ebile ho flosa boikarabello ho eena ho bo isa ho e mong. Karabo ea hae e reng malebana le boikemisetso ba hae ba ho amohela boikarabello ba hae ketsong tsa hae? Se lokela ho re bolell’ang malebana le boikemisetso ba rona le rona? Ke joang re ka ithutang ho qoba tloaelo ee ea ho beha molato ho ba bang bakeng sa phoso tsa rona?
2. Ka sehlopheng, tsepamisang maikutlo haholo tabeng ea ho ba liqhoku tsa lintho tse sa tšoareheng empa tsa semoea. See se bolelang? Re “laola” ntho tsee joang?
3. Nahana ka molaetsa oa manyeloi a mararo ho Tšenolo 14:6–12. Ke linnete life tsa bohlokoa tse bontšoaang moo, tse bontšang kamoo re fuoeng boikarabello ba ho ba liqhoku?
4. Ke hobaneng ho le bohlokoa ho rona ho ithuta ho tšepa le ho lumela nthong tsa semoea tseo re sa li utloiseng ka botlalo? Ke ka tsela life tsa lefatše re etsang see nako eohle leha ho le joalo?